

# 庶物類纂

金屬  
自十一至十二

容

第百廿八函

太政官文庫			
和書門	特別	三三六二號	第五十番函
		架	四六五册

內閣文庫	
番號	和 32362
冊數	465 (171)
函號	特 54 1

八十四

共計




A 1 2 3 4 5 6 M 8 9 10 11 12 13 14 15 B 17 18 19



Kodak Gray Scale



© Kodak, 2007 TM: Kodak







廢物類纂金屬卷之十一目次  
 錢


蘇州府印  
 蘇州府印

金屬目次

錢

一名泉本草綱目 一名孔方兄同上 一名上清童子同上  
一名青蚨同上

俗名舍爾七



錢

銅布於下為天下蓄何以言之銅布於下則民鑄錢者大抵必雜石鉛鐵焉黥罪日繁此一禍也銅布於下偽錢無止錢用不信民愈相疑此二禍也銅布於下采銅者棄其田疇家鑄者損其農事穀不為則隣於饑此三禍也故不禁鑄錢則錢常亂黥罪日積是陷阱也且農事不為有罪為蓄故民鑄錢不可不禁止禁鑄錢必以死罪鑄錢者禁則錢必還重錢重則盜鑄錢者起則死罪又復積矣銅使之然也故銅布

廣物類彙考卷之二  
於下其禍博矣今博禍可除七福可致何謂七福上  
收銅勿令布下則民不鑄錢黥罪不積一銅不布下  
則偽錢不繁民不相疑二銅不布下不得采銅不得  
鑄錢則民反耕田矣三銅不布下畢歸於上上挾銅  
積以御輕重錢輕則以術斂之錢重則以術散之則  
錢必治矣四挾銅之積以鑄兵器以假貴臣小大多  
少各有制度以別貴賤以差上下則等級明矣五挾  
銅之積以臨萬貨以調盈虛以收奇羨則官必富而  
末民困矣六挾銅之積制吾弃財以與匈奴逐爭其

民則敵必壞矣此謂之七福故善為天下者因禍而  
為福轉敗而為功今顧退七福而行博禍可為長太  
息者此其一也

漢賈誼  
新書

廼者竊聞吏復鑄錢者民人抵罪多者一縣百數少  
者十數家屬知識及吏之所疑繫因榜笞及奔走者  
類甚不少僕未之得驗然其刑必然抵禍罪者固乃  
始耳此無息時事甚不少於上大不便願陛下幸無  
忽法使天下公得顧租鑄錢鑄錢之情非般鈔鐵及  
錫雜銅也不可<sub>得</sub>贏而般之甚微又易為無異鹽羨

之易而其利甚厚張法雖公鑄舍賜而鑄者情必奸  
偽也名曰顧祖公鑄法也而實皆黥罪也有法若此  
上將何賴焉夫事有召禍而法有起奸今令細民操  
造弊之勢各隱屏其家而公鑄作因欲禁其厚利微  
奸雖黥罪日報其勢不止此理然也夫日著以請之  
則吏隨而揜之為民設阱孰積於是上弗蚤圖之民  
勢且盡矣曩禁鑄錢死罪積下今公鑄錢黥罪積下  
雖少異乎未甚也民方陷溺上弗具救乎且世民用  
錢縣異而郡不同或用輕錢百加若干輕小異行或

用重錢平稱不受法錢不立將使天下操權族而吏  
急一之乎則大煩苛而民弗任且力不能而勢不可  
施縱而弗苛乎則郡縣異而市肆不同小大異用錢  
文大亂夫苟非其術則何嚮而可哉夫農事不為而  
采銅日煩釋其耒耨冶鑄鑪炭奸錢日繁正錢日亡  
善人怵而為奸邪愿民陷而之刑僇黥罪繁積吏民  
且日闕矣少益於今將甚不祥柰何而忽國知患此  
吏議必曰禁之禁之不得其術其傷必大何以圍之  
今禁鑄錢錢必還重四錢之粟必還二錢耳重則盜

鑄錢如雲而起則弃市之罪又不足以禁矣姦不勝  
 而禁法數潰難言已大事也久亂而費弗登振恐不  
 稱陛下之明凡治不得應天地星辰有動非小故也  
 或累王德陛下不可以怠方今始伏望可善圖也上同  
 或問貨曰五銖之制宜矣太公為周立九府圖法錢  
 武元符五年初鑄五銖錢至平帝元始中成錢二百  
 八十億萬餘王莽居攝變漢制於是更造大錢重十  
 二銖又曰大錢五十又造契刀錯刀與五銖凡四品  
 並行莽即真乃罷契刀錯刀及五銖更造錢貨六品  
 而民便五銖私相市買莽下詔敢非井田挾五銖錢  
 者為惑眾投諸四裔以御魑魅於是農商失業食貨  
 俱廢世祖受命復五銖錢與天下更曰今廢如之何  
 始觀此則五銖之制宜便於民久矣

今謂獻帝時廢者初平元年董卓壞五銖錢更鑄小錢是也曰海內既平行之而  
 已此言卓既誅曰錢散矣京畿一作虛矣其勢必積於  
 遠方若果行之則彼以無用之錢市吾有用之物是  
 匱近而豐遠也曰散曰虛曰積曰無用之曰事勢有  
 不得官之所急者穀也牛馬之禁不得出百里之外  
 若其他物彼以其錢取之於左用之於右貨遷有無  
 周而通之海內一家何患焉言五穀不得及遠他物  
 近為患也曰錢寡矣曰錢寡民易矣若錢既通而不周於  
 用然後官鑄而補之言五銖由廢故易由易故或曰



收民之藏錢者輸之官收遠輸之京師然後行之曰  
 事枉而難實者欺慢必衆奸偽必作爭訟必繁刑殺  
 必深吁嗟紛擾之聲章乎天下矣非所以撫遺民成  
 緝熙也此言遠收五銖於京師曰然則收而積之與  
 曰通市其可也此言收五銖積貯亦不可或曰改鑄四銖曰難矣  
 此言改鑄四銖以復孝文之舊亦不可或曰遂廢之曰錢實便於事用  
 民樂行之禁之難今開難令以絕便事禁民所樂不  
 戔矣此言廢五銖以絕民所便禁民所樂亦不可曰起而行之錢不可如  
 之何曰尚之廢之弗得已何憂焉言或尚或廢其勢自有所得已者

蓋民便五銖不得而終廢之不憂其不行也厥後曹  
 操為相選用五銖悅之言驗矣此一、首所謂議錢貨  
 也○漢荀悅中監

進士不第者親知供酒肉費號買春錢承平舊纂○唐馮贄雲仙

雜記

龍山康甫慷慨不羈每日置酒於門邊留賓客不住  
 者贈過門錢日費酒者鶴嘴餅二十放懷集○同上  
 元和初洛陽村百姓王清傭力得錢五銀因買田畔  
 一枯栗樹將為薪以求利經宿為隣人盜斫創及腹  
 忽有黑蛇舉首如臂人語曰我王清木也汝勿斫其

人驚懼失斤而走及明王清率子孫薪之復掘其根  
根下得大瓮二散錢實之王清因是獲利而歸十餘  
年巨富遂斃錢成龍形號王清本唐段成式  
諾臯記  
史記曰初蘇秦之燕貸百錢為資及貴以百金償之  
徧報諸所嘗見德者其從者一人獨未得報乃前自  
言蘇秦曰我非忘子子之與我至燕再三欲去我易  
水之上方是時我困故望子深是以後子子今亦得  
矣又曰高祖以吏繇咸陽吏皆送奉錢三或二百  
或五百蕭  
何獨以五侯益封二千戶以獨贏二錢又曰單父人

呂公善沛令避仇從之客因家焉沛中豪傑吏聞令  
有客皆往賀蕭何為主吏主進令諸大夫曰不滿千  
錢坐之堂下高祖為亭長素易諸吏乃始為謁者曰  
賀錢萬貫不持一錢謁入呂公大驚起迎之門呂公  
者好相人見高祖狀貌因重敬之引入座蕭何曰劉  
季故多大言者矣又曰上使善相者相鄧通曰當貧  
饑死文帝曰能富通者在我何謂貧於是賜通蜀嚴  
道銅山得自鑄錢號鄧氏錢布天下又曰漢興七十  
餘年之間國家無事廩庾皆滿而庫府餘貨財京師

之錢累百巨萬貫朽而不可較又曰安息國以銀為錢錢如王面

漢書曰武帝時公卿請令京師鑄官錢赤仄以赤銅為具郭

一當五官用非赤仄不得行俗所謂紫紺錢又曰東方朔云

侏儒長三尺餘奉一囊粟給錢百三十臣朔長九尺

餘亦一囊粟錢二百四十又曰張安世父子封侯在

位太盛乃辭不受祿詔都內別藏張氏無名錢以百

萬數都安主藏官

東觀漢記曰光祿勳杜林與馬援鄉里親厚援南方

還時林馬適死援遣子持一匹馬遺林曰朋友有車

馬之饋可以修之居數月林遣子奉書曰將軍內施

九族外有賓客望恩者多林父子食祿祿出常有盈

今奉錢五萬援受之謂兒曰當以此為法林所以勝

我者也又曰馬援在隴西上書曰富民之本在於食

貨宜如舊鑄五銖錢天下賴其便又曰鄭均兄為縣

游擊受禮遺均數諫止不聽即脫身出作歲餘得數

萬錢歸以與兄曰錢盡可復得為吏坐贓終身捐棄

兄感其語遂有廉潔稱

沙南先賢傳曰平輿闕敞為郡五官掾太守弟五常  
被徵以奉錢百三十萬寄敞敞埋置堂上後常舉家  
患死唯有孤孫九歲臨死語云吾有錢三十萬寄掾  
闕敞孫長大來求敞敞見之悲喜取錢盡還之孫曰  
祖唯言三十萬爾今乃百三十萬誠不敢當敞曰府  
君疾困謬言爾郎君無疑

郭子曰王夷甫雅尚玄遠又疾其婦貪口未嘗言錢  
婦欲試之夜令婢以錢透牀不得行夷甫晨起見錢  
闕之命婢舉阿堵物去

世說曰王武子移第近北芒于時人多地貴武子好  
馬射買地作埽編錢布地竟埽時號金溝

地鏡圖曰錢銅之氣望之如青雲

以上唐歐陽詢藝文類聚

周禮天官甸外府掌邦布之入出以共百物而待  
邦之用凡有法者

國語曰周景王二十一年將鑄大錢單穆公曰不可  
古者天降災戾於是乎量資幣權輕以報救民也民  
患輕則為之作重幣以行之於是乎有母權子而行  
皆得焉若不堪重則作多輕而行之亦不廢重於是

乎有子權母而行小大利之全王廢輕而作重民失其資能無匱乎若匱王用將有所乏乏則將厚取於民民不給將有遠志是離民也若民離而則匱災至而備忘王其若之何王其圖之王弗聽卒鑄大錢

周書曰武王尅商發鹿臺之錢散鉅橋之粟史記曰上使善相者鄧通曰當貧餓死文帝曰能富通者在我何謂貧於是賜通蜀嚴道銅山自鑄錢鄧氏錢布天下

又曰今上即位武帝數歲漢興七十餘年之間國家無

事京師之錢累亦百巨萬貫朽而不可校自孝文造四錢至是歲三十餘年從建元以來用少縣官徃多即銅山鑄民益盜錢不可勝數錢益小而貴

漢書曰秦兼天下弊為三等黃金以鎰為名上幣銅錢漢興以為秦錢重難用更令民鑄漢錢

又曰孝惠帝時天下初定吳有豫章銅山即招致天下亡命盜鑄錢

又曰高后二年秋七月行八銖錢  
又曰文帝五年除盜鑄錢令應劭曰更造四銖應劭曰

帝以五分錢大，輕小更作四銖錢，亦曰半兩錢。今民間半兩錢最輕小也。

又曰建元元年春行三銖錢，五年罷三銖錢，行半兩錢。

又曰武帝時郡國鑄錢，民多姦，錢多輕，而公卿京師鑄錢，官亦灰。

又曰宣帝二年春出水衡錢。

又曰自孝武元狩五年官初鑄五銖錢，至平帝元始中成二百八十億萬餘。

又曰張安世以父子封侯，在位太盛，乃避不受祿，詔

都內別藏張氏無名錢，以百萬數。

機謹按淵鑑類函避不受三字作辭一字萬數下

有都內主藏官五字

又曰王莽居攝欲防民盜鑄，乃禁不得挾銅炭。

楚漢春秋曰項梁陰養生士九十人，參木者所與計謀者也。木佯疾於室中，鑄大錢以具甲兵。

後漢書曰京兆尹閭興召第五倫為主簿，時長安鑄錢多奸巧，乃署倫為督鑄銅錢掾，領長安市。

又曰初馬援在隴西，上書言宜如舊鑄五銖錢，事三

府三府奏亦未為可事遂寢及援還從公府求得前奏難十餘條乃隨牒解釋更具表言帝從之天下賴其便

又曰董卓壞五銖錢是更鑄小錢悉取洛陽及長安銅人鍾簷飛廉銅馬之屬以克鑄焉故貨賤物貴穀不數萬又錢無輸郭文章不便人用時人以為秦始皇見長人於臨洮乃鑄銅人也而今毀之雖成毀不向凶暴相類焉

又王符論曰竊泣之人奪其覽寧見朽千萬而不忍

賜人一錢

獻帝春秋曰靈帝作錢猶五銖兩有四道連於邊輪識者以為妖竊言錢有四道京師將破壞此錢四出散於四方乎還如其言

應劭漢官曰王莽篡位以劉字金刀五銖更作小錢文曰貨泉其文反白水真人此則世祖中興之瑞也吳書曰嘉和五年春鑄大錢一當五百詔使吏民輸銅針銅甲置設盜之科

蜀志曰先主攻劉璋與士眾約若事定庫府百物豫

焉及拔成都士衆拾干戈赴府藏競取寶物軍用不足備甚憂之劉己曰易耳但當鑄直百錢平諸物價令吏為官市備從之數月之間府庫克實  
晉書曰張軌為涼州叅軍索輔言於軌曰古以金貝皮弊為貨息穀帛量度之耗二漢制五銖錢通易不滯太始中河西荒廢遂不用錢裂足以為段數縑布既壞市易又雖徒壞女工不任衣用弊之甚也今中州雖亂此獨安全宜復五銖錢以齊通變之會軌納之立制准布用錢錢遂大行人賴其利

宋書曰廢帝即位鑄二銖錢形式轉細官錢每出人間即摸效之而大小厚薄皆不及也無郭不磨鑄如今之剪鑿者謂之來子錢景和元年沈慶之啓通私鑄銅錢千一錢長不盈三寸大小稱此謂之鵝眼錢劣於此者謂之縱環錢貫之以錢入水不沉隨手破碎市井不復料數十萬錢盈一掬斗米一萬商貨不行明帝初唯禁鵝眼縱環其餘皆通用  
又曰劉凝之隱居荊州年飢衡陽王義季慮凝之餒斃餉錢十萬凝之大喜將錢至市門觀有飢色者悉



分與之俄頃而盡

機謹按淵鑑類函王義季作王義季

又曰山陰人孔祐至行通神隱於四明山嘗見山谷中有數百斛錢視之如瓦石不異

華陽國志曰公孫述廢銅錢鑄鐵錢百姓貨賣不行說文曰貝海介蟲也古者貨貝而寶龜至周而有泉到秦廢貝行泉

賈誼書曰下不得鑄錢則民反耕田矣以上太平御覽北齊書高參之字道穆時用錢稍薄道因表曰百姓

之業錢貨為本救弊改鑄王政所先自頃以來私鑄薄濫官司糾繩挂網非一在市銅價八十一文得銅一斤私鑄薄錢斤餘二百既示之以深利又隨之以重刑得罪者雖多奸鑄者彌衆今錢徒有五銖之文而無二銖之實薄甚便破置水欲沉此乃因循有漸科防不切朝廷兩失之彼復何罪昔漢文帝以五分錢小改鑄四銖為半此皆以大易小以重代輕也論今據古宜改鑄大錢文載年號以記其始則一斤所成止七十六文銅價至錢五十有餘其中人工食料

錫炭松抄縱復私營不以能自潤直至兼利自行息止兼復嚴刑廣禁也以臣測之必當錢皆疏通公私獲允後遂用揚保計鑄永安五銖錢

又曰王則元象初除洛州刺史則性貪恠州在取受舊京諸象毀以錢行于世時號河陽錢皆出其家後周書曰大象元年初鑄永通方國錢以當千與五銖大布並行

唐書曰武德中置錢監於洛并益等諸州今上齊王元吉賜三鑪鑄錢右僕射裴寂一鑄敢有盜鑄者身

死家口配沒

唐書曰高宗時詔復開元通寶錢其乾封新鑄錢今所司貯納初開元錢之文給事中歐陽詢制詞及書時稱其工其字合八分及篆隸三體其詞先上後下次左後右讀之要上反左迴環其義皆通議者乾封不通商賈米帛翔踴以開元錢輕重大小近古最為折衷百姓便之

又曰元和中王鏐奏請於當管蔚州界加置鑪鑄銅錢漸廢錫錢詔河東道自用錫錢以來百姓不堪其

弊其蔚州鼓鑄漸致銅錢則公私之間皆得充用宜  
委所有子細計料量借錢本積漸加至五鑑  
晉書曰右驍衛大將軍張錢始在雍州因春景舒和  
出遊近郊憇於大家之上忽有黃雀啣一銅錢置之  
而去未幾復於衙院晝臥見二雀相鬪畢各啣一錢  
落於錢首後所獲三錢嘗秘於巾箱識者以為大富  
之徵

又曰天福三年勅先許鑄錢仍令每一錢重二銖四  
黍十錢重一兩者切慮逐處缺銅難依先定銖兩宜

今天下無問公私應有銅欲鑄錢者一任取便酌量  
輕重鑄造因茲不得入錫并鉄及令缺漏不堪久遠  
行用仍委鹽鉄司明行曉示誠約

鹽鉄論曰教與俗改弊與世易夏后以貝周人以紫  
石後世或金錢刀布極而衰終始之運也

又曰古者市朝而無刀弊各以所有易所無抱布貿  
絲而已後世則有龜具金錢

揚子法言曰淮陽鑄偽錢吏不能禁汲黯為太守不  
壞一鑑不刑一人高枕臥淮陽政清

風俗通曰錢刀俗說害中有利利旁有刀言人治下率多得錢財者必有刀劔之禍也

宋漢書曰王莽造大錢作契刀錯刀銖錢凡四品並行故稱錢刀也

邠原別傳曰原字根矩避地遼東嘗行得遺錢拾以繫樹枝此錢既不見取而繫錢者多原問其故荅者謂之神樹原惡由己而成淫祀乃辨之由是里中遂歛其錢以為社也

杜恕休論曰可以使鬼者錢也可以使神者誠也

千寶搜神記曰南方有蟲其形如蟬而大其子著草葉如蚕種得子以歸則母飛來就之殺其母以塗錢以其子塗貫用錢貨市旋則自還故淮南子術以之還名曰青亮

世說曰王武子私茅近北邙山于時人多地貴濟好馬射買地作埒編錢布地竟埒時人號為金錢

機謹按淵鑑類函私茅作移地無山字濟作武子時人號為金錢六字作時號金埒四字

俗說曰王子敬學王夷甫呼錢為阿堵物後既詔出

上謝公主簿過會下與共擲散當其夕手自抱錢錢竟明日已後云何至須阿堵物

葛仙翁別傳曰取十錢使人一一投井中公井上以器呼錢人見從井中一一飛出入公器中投入刻識之所呼皆得是所投者

三輔黃圖曰金寶一銀寶二龜寶三貝寶四布寶五泉寶六凡寶貨七種世八品煩碎難行乃羅本寶五百枚為重十二斤日姓安之

荊州記曰義熙十二年有童子群洛南陽涓水忽洋

邊有錢出如流沙因競取之手滿放地尋復行去乃

以衫衣裹縛各有所得以上太平御覽

公言初赴舉時接一士人稍親久忽謂公曰君苦無資乎求開通錢千餘當為君化少物公曰錢固有而難化也絕得開通曰銅精者皆可數日持銀十兩至視之錢周廊與字隱隱尚在謂公曰君并欲其法乎亦無所秘公笑曰聊試卿法爾吾無所用悉還之後

月餘其人卒太原王洙王氏談錄

錢戲有每以四文為一列者即史傳云云所意錢是

也俗謂之攤錢亦曰攤鋪其錢不使疊映欺惑也疾道之故譌其音音攤為蚤訖反音鋪為蒲厥義此耳今人書此錢戲率作擣蒲字何貶擣蒲之甚耶案擣蒲起自老子今亦為呼盧者不宜雜其號於錢說攤鋪之義皎然可見隴西李濟翁資暇錄莫令錯呼錯喚問何謂長年三老云稍工是也長讀如長幼之長乃知老杜長年三老長歌裏白晝攤錢高浪中之語蓋如此因問何謂攤錢云博也按梁冀能意錢之戲注云即攤錢也則攤錢之為博亦信矣

宋趙與時  
賓退錄

向有行雷法者以夜游艾納數藥合而為香每燒則煙聚爐上人身鳥翼恍如雷神所至敬向不知其為藥術也師巫多挾術以欺世向見一女巫應有祈禱必納香錢使自投於淨盂中隨即不見人多神之後得其術乃用葶藶水銀雜草藥數種埋之地中七七藥成每窆投少許於水中錢入即化挾邪術託鬼神以欺世如此類者甚多不欲盡記姑叙數端以祛後來者之惑雲間儲泳祛疑說

庶物類纂卷之十二

庶物類纂金屬卷之十二目次

錢

庶物類纂卷之十二

金屬目次

錢

宣和用兵燕雲厚賦天下緡錢督責甚峻民無貧富皆被其害特有海州楊允秀才妻劉氏寡居二子皆幼積錢十屋一日劉氏謂二子曰國家用兵歛及下戶期會促迫刑法慘酷吾家積錢列屋坐視鄉黨之困與官吏之負罪而晏然不顧於心安乎遂請于官以緡錢一百萬獻納以充下戶之輸於是一郡數縣之官吏得以逃責而下戶得免於流離死亡者皆劉氏之賜也嗚呼今之積金蓄穀倍息計贏遇災荒而



幸糴價之高，遭艱危而窖藏之密者，滔滔皆是也。其視劉氏賢愚，何啻霄壤耶。宋沈俶諧史陸文裕公云：吾鄉姚氏所藏錢譜，盡夏歷代之錢，穴紙譜之，奇形異狀，無所不有，而各疏時代，繇來前輩揚鐵、崖維、禎錢、艾衲、嘉俱有論，撰予嘗閱之，亦博古之清玩也。予少時見民間所用皆宋錢，難以金元錢謂之好錢，唐錢間有開元通寶，偶忽不用，新鑄者謂之低錢，每以二文當好錢一文，人亦兩用之。弘治末京師好錢復不行，而惟行新錢，謂之倒好。正德中則

有倒三倒四，而盜鑄者蜂起矣。嘉靖以來，有五六至九十者，而裁鹽剪紙之盜極矣。夫錢之用，本以權輕重，而世終難廢。若開元實為輕重之中，鼓鑄者宜以

為準。

松江府志

孫莘老知福州時，民有欠市易錢繫獄甚衆，有富人出錢五百萬葺佛殿，請于莘老。莘老徐曰：汝輩所以施錢者何也？衆曰：願得福耳。莘老曰：佛殿未甚壞，佛又無露坐者，孰若以錢為獄，囚償官逋，使數百人釋枷鐐之苦，其得福豈不多乎？乃富人不得已諾之，即

日輸錢圖園遂空宋孫竹孫公談圃

荆公以雩病夜焚紙錢平甫戲曰天曹也行倉法時  
新立倉法胥史重祿者皆用馬人以為不便故平甫  
譏之也同上

吳越錢氏人成丁歲賦錢三百六十謂之身錢民有  
至老死而不冠者宋陳師道後山談叢

魏文靖云咸平錢十文重一兩宋陸友仁研北雜志  
慶元二年十二月吳縣銅錢百萬自飛江南通志

顛真子銀古今之語大都相同但其字各別耳古所

語阿堵乃今所語兀底也王衍口不言錢家人欲試  
之以錢繞床不能行因曰去阿堵物謂口不言去却  
却錢但云去却兀底耳後人遂以為阿堵物眼為阿  
堵中皆非是蓋此阿堵同一意也予按晉人所稱不  
止此兩事而已殷浩見佛經云理亦應阿堵上桓溫  
止新亭大陳兵衛呼謝安及王坦之欲於坐害之安  
舉目徧歷溫左右衛士謂溫曰安聞諸侯有守在四  
隣明公何須壁間著阿堵輩溫笑曰正自不能不爾  
若更以二者為證其義尤見分明宋許觀東齊記事

庶物類纂卷之二十一  
晉王夷甫雅尚口未嘗言錢一日其妻令以錢繞牀使不得行夷甫晨起見錢闕行謂婢曰舉阿堵物去其措意如此世之學者有賢愚類求阿堵之義而未之得殊不知阿堵初自無據作史者但記一時語言而已顧愷之傳亦云傳神寫照正在阿堵中獨不見此何耶宋景文公寫真詩云誰謂彼己子而傳阿堵神又荅詩云久謝輪囷器羞言阿堵神皆用此也豈有他意

建安黃朝英  
綱素雜記

周重實為察官以民間多壞錢為器物之行禁止且欲毀棄民間日近所鑄者銅器時張天覺為正言極論其不可恐官司臨迫因而壞及前代古器重實之言既不降出憤懣不平謂同列曰天覺只怕壞了銀

兒磬兒

宋王暉道  
山清話

錢陌自古用錢貫皆以千百皆以足梁武帝時有破嶺以東八十為陌名東錢江郢以上七十名西錢京師九十名長錢大同元年詔通用足而人不從錢陌益少末年遂以三十五為陌錢以八十為陌蓋自梁始也其事見通典唐昭宗時京師用錢八百五十為

貫河南府以八百為貫筆談曰漢隱帝時三司使王  
帝每出官錢以七十七為陌為之省陌蓋自五代漢  
始也宋高承事物紀原

今世有一樣古錢其文曰半兩無輪郭醫方中用以  
為藥者此也宋姚寬姚氏殘語

范祥鈔法陝西貯錢五百萬貫不許輒支用大約每  
鈔極賤至五貫即官給錢五貫五十文買之極貴則  
減五十文貨之低昂之權當在官矣鈔法無時而不  
行近年輒借用本錢貴賤一切不問此所以鈔法不

行宋王鞏隨手雜錄

江南李唐舊用鐵錢蓋因韓熙載建議以鐵錢六權  
銅錢四然銅錢之價相去甚遠不可強也江南末年  
鐵錢十僅直銅錢一江南平民間不肯行用轉運使  
樊若水請廢之太平興國二年二月詔官收民間鐵  
錢鑄為農器以給江北流民之歸附者於是江南鐵  
錢盡矣然川蜀陝西用之如故川蜀每鐵錢一貫重  
二十五斤銅錢一當十三小民銘為器用賣錢二千  
於是官錢皆為小民盜銷不可禁止大中祥符七年

知益州凌策請改鑄每貫重十二斤銅錢一當十民間無鈺銷之利不復為矣慶曆初知高州皮仲容議采洛南紅崖號州青水銅置阜民朱陽二鹽鑄大錢一可當小錢三以之當十民間趨利盜鑄不已至八年張方平宋祁議以為當更乃詔改銅錢當十先是慶曆元年十一月詔江饒池三州鑄鐵錢一百萬貫助陝西經費所積尤多錢重民苦之至是併罷鑄鐵錢其患方息

宋王休燕翼昭謀錄

半輪殘月掩塵埃依稀猶有開元字想見清光未破

時買盡人間不平事古人詠錢如此以余觀之錢之為錢人所共愛勢所必爭骨肉親知以之而構怨稔釁公卿大夫以之而敗名喪節勞高遠賈以之而捐軀殞命市井交易以之而鬪毆戮辱乍來乍去倏貧倏富其籠絡乎一世者大抵福於人少而禍於人多嘗熟視其形摸金苟著兩戈字真殺人之物而世人莫之悟也吁錢乎錢乎以我之貧求汝活我而不可得我固無奈汝何以我之不貪汝欲殺我而不可得汝亦無奈我何

宋李士彥東谷所見

文彥博知永興軍起居舍人母湜鄂人也至和中湜  
上言陝西鐵錢買物者不肯售長安為之亂民多閉  
肆僚屬請禁之彥博曰如此是愈使惑擾也召絲絹  
行人出其家縑帛數百疋使賣之曰納其直盡以鐵  
錢勿以銅錢也於是眾曉然知鐵錢不廢而市肆復  
安矣

宋侯延慶  
退齋筆錄

五代史周世宗是時中國之錢乃詔悉毀天下銅佛  
像以鑄錢嘗曰吾聞佛說以身世為妄而以稱人為  
急使其真身尚在苟利於無猶欲割截况此銅像豈  
其所惜哉由是群臣皆不敢言

漢以秦錢重更令人鑄榆莢錢有子母權而行子母  
者錢之輕重也民患輕為重是母權子患重作輕亦  
不廢重是子權母也

漢書楚郡國無得專鑄唯上林三官鑄今下非三官  
錢不得行

漢武帝以錢多輕命京鑄赤仄注以赤銅為郭  
宋畧太始中通私鑄大壞矣一貫長三寸謂之鷲眼  
十萬不盈一掬後禁之

漢時有青息錢以血塗之去又來  
柳仲郢拜京兆尹會廢浮屠法盡壞銅象為錢仲郢  
為鑄錢使請以字識錢者不答既淮南鑄會昌字久  
之僧反取為鐘鼓  
帝謂裴延齡曰朕所居浴堂殿一棟將壓念易之未  
能也延齡曰宗廟至重殿棟微矣且陛下本分錢用  
之無窮何所難成帝驚曰本分錢柰何對曰此在經  
誼愚儒不能知臣能言之按禮天下賦三之一以克  
乾豆一以事賓客一以克君之庖厨陛下奉宗廟能

竭天下賦三之一乎鴻臚禮賓勞于四夷用什一為  
有羸陛下奉宗廟所御饗餼簡儉以所餘為百官廩  
料食錢未盡也則所不盡者為本分錢以治殿數十  
尚不之况一棟哉帝顧曰人未嘗為朕言之陸贄極  
論其譎妄

貴妃楊氏傳賜諸姨歲錢百萬為脂粉費  
往日用錢捉私鑄今許鉉錫和青銅刻泥為之最易  
得好惡不合長相蒙杜甫詩  
貞觀中岑文本退朝於小亭避暑寐覺忽有叩門者

報云。上清童子文。本慕道。即命入。乃年二十以下。道  
士儀質爽邁。冠淺青圓帔。履衣服輕細。乃曰。僕上清  
童子。自漢朝得果成本。生於吳。得夫不疑。滯之道。文  
本語以漢魏宋齊梁間君臣社稷之事。了如目覩。文  
本曰。吾人冠帔。何制度之異。對曰。夫道在於方圓之  
中。僕外服圓而心方。正相時儀也。又問曰。衣服皆輕  
細。何王所出。對曰。此是上清五銖服。又問曰。此聞六  
銖者。夫人衣何五銖之異。對曰。尤細者則五銖也。後  
令人潛送。詣其所止。出門於院墻下。瞥然不見。命工

掘之。至一古墓中。無餘物。惟得古錢一枚。文本悟上  
清童子是銅名元寶錢之文也。外圓心方。錢之狀也。  
青衣銅衣也。五銖亦錢之文也。漢時於吳是漢時鑄  
五銖錢於吳王也。

唐志。武宗廢浮屠法。永正監官李郁彥請以銅像鐘  
磬鑪鐸皆歸巡院州院。銅益多矣。鹽鐵使以工有常  
力。不足以加鑄。許諸道觀察使皆得鑄錢坊。淮南節  
度使李紳請天下以州名鑄錢。京師為京錢。交易禁  
用舊錢。



武德四年鑄開元通寶徑八分重四銖四參積十錢  
重一兩得輕重大小之中其文以八分篆隸三體  
今之錢古之下幣也開元二十二年宰相張九齡建  
議古者以布帛穀粟不可尺寸抄勺均乃為錢以通  
貿易官鑄所入無幾而工費多宜縱民鑄議下守官  
宰相裴輝卿黃門侍郎李林甫河南少尹蕭昊秘書  
監崔沔皆以為嚴斷惡錢則人知禁稅銅折役則官  
冶可成計估度庸則私錢以利薄而自息若許私鑄  
則下皆棄農而競利矣左監門衛錄事參軍劉秩曰

今之錢古之下幣也若舍之任人則上無以御下下  
無以事上不可一也物賤傷農錢輕傷賈物重則錢  
輕錢輕自卑物多則作法收之使少物少則作法布  
之使輕柰何假人不可二也鑄錢不雜鉛鐵則無利  
雜則錢惡今塞私鑄之名人猶冒死况沒陷竄誘人  
不可三也鑄錢無利則人不鑄有利則去南畝者衆  
不可四也人富則不可以賞勸貧則不可以威禁法  
不行人不理絲貧富不齊若得鑄錢貧者服役於富  
室富者乘利而益恣不可五也夫錢重絲人日滋於

前而鑪不加舊公錢與銅價頗等故破重錢為輕錢

銅之不增在採用者重也出唐食貨志以上宋孔候

晉太元中桂陽臨武徐孫江行見岸有錢溢出即輦

著船中須臾悉變成土宋劉敬叔異苑

海西太和會稽山陰縣起倉鑿得兩大船船中有

錢皆輪文時日向暮鑿者馳以告官官夜遣防守甚

嚴至明且失錢所在惟有船存視其狀悉有錢處同上

錢文載年號起於元魏敬宗時也然後來亦不皆載

年號隋末錢幣濫薄至裁皮糊紙為之民間不勝其

敞至唐武德方行開元通寶錢六典謂之開通元寶

徑八分重二銖四釐凡積十錢重一兩輕重大小最

為折衷遠近便之命給事中歐陽詢撰其文并書回

環可讀世俗不知遂以為開元錢明皇所鑄也宋孔平仲

孔氏雜說

唐穆宗時戶部尚書楊於陵云開元中天下鑄錢七

千餘爐歲八百萬今止十餘爐歲八十五萬元祐六

年東南歲鑄錢二百七十五萬只梧州元豐監歲鑄

十五萬已當長慶時天下之數矣同上

庶物類考

五代表正辭積錢盈室室中堂有聲如牛人以為妖  
勸其散積以禳之正辭曰吾聞物之有聲求其同類  
爾宜益以錢聲必止

孔帖合璧事類

鶴山先生曰詩所謂錢蓋農器也上聲以帛幣為錢  
不知自何時始小學書亦無此字史記平準書載虞  
夏之幣三品管子論禹湯以金鑄幣未有錢之名也  
至管子國語呂氏春秋史漢則周齊秦晉楚趙之幣  
皆名錢矣

宋魏了翁古今攷

外府掌邦布之入出注布泉也布讀如宣布之布其  
藏曰泉其行曰布取名於水泉其流行無不徧泉始  
蓋一品周景王鑄大泉而有二品後數變易不復識  
本制至漢唯有五銖久行王莽改貨而異作泉布多

至十品今存於民間多者有貨布大泉貨泉貨布長  
二寸五分廣寸首長八分有奇廣八分其圜好徑二  
分半足枝長八分其右文曰貨左文曰布重二十五  
銖直貨泉二十五大泉徑一寸二分重十二銖文曰  
大泉直十五貨泉徑一寸重五銖右文曰貨左曰泉  
直一也 疏漢書食貨志周景王時患泉輕將更鑄

庶物類考 卷之三 金屬 錢 十三

大泉單穆公曰不可王不聽鑄大泉文曰寶貨漢興為秦泉重難用更令民鑄榆莢錢至孝文有司言榆莢三銖輕易姦詐請鑄五銖至王莽居攝變漢製更造大泉徑寸二分重一十二銖文曰大泉直五十又造契刀形如刀直五百又造錯刀以黃金錯其文曰一刀直五千與五銖錢凡四品並行至莽即真罷五銖錢異作泉布多至十品其布有大布次布弟布壯布中布差布厚布幼布久布小布是為貨十品也其泉十品者莽居攝作大泉錯刀契刀即真作小錢么

錢布錢壯錢天鳳年更造貨布與貨錢為十品莽以劉有金刀罷契刀錯刀從莽至漢末鄭君時見行此三者故云今存於民間也彼文貨布無有奇廣八分半足支長八分等十一字此鄭君目所覲見以義增之耳彼大泉直五十言十五者亦誤當從五十為正也王莽之大泉蓋與景王所鑄大泉亦異也

銖 疏謂孝文作五銖誤也

愚按武帝鑄五

周語景王二十一年鑄大錢韋昭注錢者金幣之名所以質買物通財用也古曰泉後轉曰錢單穆

公云古者有母平子子權母而行然則二品之來  
古而然矣鄭君云錢始一品至景王有二品省之  
不熟耳前後漢紀武帝元狩五年行五銖錢王莽時廢  
光武建武十六年始行五銖錢齊孔覲曰自漢鑄  
五銖至宋文帝歷五百餘年不變者輕重可法得  
貨之宜也漢製攷○津逮秘書

古者貨貝五貝為朋詩錫我百朋箋云云正義曰漢食貨志大貝壯貝公貝小貝不成貝為五小貝以上四種各二貝為一朋而不成者不為朋鄭箋言五種之貝相與為朋非總五貝為一朋也漢書注兩貝為朋珠  
○宋王應麟小學紺珠

管子又曰湯七年旱禹五年水湯以莊山禹以歷山之金並鑄幣以救人因至周太公立九府圜法始名以錢錢圓含方輕重以銖起於禹湯水旱之救民困也後魏高謙之以為堯遭大水鑄錢故馮鑑謂錢起於堯也宋高承事物紀原


錢銅之氣望之如有青雲地鏡圖  
柴世宗銷天下銅像以為錢真定像高大不可施工有司請免既而北伐命以砲擊之中佛乳竟不能毀未幾世宗癰發乳間而殂宋王鞏隨手雜錄

陝西每銅錢一貫用鐵錢一貫三十文可換後因常平司指揮諸州勿出銅錢諸司遂效之民間相傳鐵錢將不用矣家家收蓄銅錢輕用鐵錢由是錢賤而物加貴同上

江表誌云江南李氏進貢中國無虛月十數年間經費將匱建隆初始申銅禁鑄泉貨當十又鑄唐國通寶錢兩文當開元錢一文又用韓熙載法變鑄錢其後一緡約賣三十索銀一兩二十五索餘物稱是至開寶末國帑罄矣同上

陳刑部續云荆公作相時嘗欲作當十錢神宗曰刑獄自此滋張矣遂已時政記載之宋王鞏甲申雜記

唐食貨志云武德四年鑄開元通寶錢徑八分重二銖四釐積十錢重一兩得輕重大小之中其文以八分篆隸三體又云開化二十六年已後錢甚惡詔所在置監鑄開元通寶錢京師庫皆滿肅宗上元元年以開元舊錢一當十孔毅夫云開元通寶錢給事中歐陽詢撰其文并書回環可讀俗不知以為開元錢明皇所鑄六典謂之開元通寶司馬光云薛瑄唐



聖運圖云初進蠟樣文德皇后指一甲故錢上有甲痕焉凌璠唐錄政要以為竇皇后是時竇后已崩文德后未立今皆不取李審言記聞云唐之錢文如乾元開元曰重寶通寶世俗淺者有云乾重開通朝士倘有如此言者尤可笑也馬永卿云開元通寶蓋唐二百八十九年獨鑄此錢洛并幽桂等州皆置監故開元錢如此之多而明皇記號偶相合耳宋姚寬西漢叢語歐陽公記開寶錢文曰宋通予按周顯德錢文曰用通故國初因之亦曰宋通建隆乾德中皆然不獨開

寶也至太平興國以後乃以年號為錢文至今皆然歐公又謂寶元錢文曰皇宋按實祿所載亦同然今錢中又有云聖宋者大小錢皆有之大錢折二始於熙寧則此名乃或出於熙寧以後矣宋陸務歡老學菴筆記丁晉公釋褐授饒倅同年白稹為判官稹一日以片幅假緡於公云為一故人至欲具殮舉篋無一物堪質奉假青蚨五鑲不宣稹白謂之同年晉公笑曰是給我也榜下新婚京國富室豈無半千質具邪懼余余見撓回矯之爾於簡尾立書一閱戲答曰欺天行

當吾何有立地機關子太乖五百青蚨兩家闕白洪  
崖打赤洪崖時已兆朱崖之讖上同

唐德宗建中三年用韋都賓陳京請借京城官商錢

大索得八十萬貫時度支社佑曰月費錢一百萬本

朝元豐中畢仲術編備對月支六十二萬餘貫金帛

不在數自大觀之後不知月用幾何宋趙德麟  
侯鯖錄

今之數錢百錢謂之陌者借陌字用之其實只是百

字如什與伍耳唐自皇甫鑄為塾錢法至昭宗末乃

定八十為陌漢隱帝時三司使王章每出官錢又減

三錢以七十七為陌輸官仍用八十至今輸官錢有

用八十陌者唐書開元錢重二銖四參今蜀部亦以

十參為一銖參乃古之參字恐相傳之誤耳宋沈括  
夢溪筆

談

國朝初平江南歲鑄錢七萬貫自後稍增廣至天聖

中歲鑄一百餘萬貫慶曆間至三百萬貫熙寧六年

以後歲鑄銅鐵錢六百餘萬貫上同

錢自漢以五銖行王莽罷小大錢改作貨載之建布

貨泉乃令民且獨行大錢後魏鑄大和五銖梁有東



錢西錢長錢周鑄五行大布錢一當十又鑄永通萬國錢一當十與五行大布並行唐鑄乾封泉貨寶錢一當十女真鑄太和錢一當十端平鑄錢一當五輩下置監鑄不及千緡費用朝廷萬緡不一月罷大錢皆非治世所當鑄大觀太和可以監也同上用錢之法自五代以來以七十七為百謂之省陌今市井交易又尅其五謂之依除宋歐陽修歸田錄宣和五年既俞金人乞盟之請明年遣秘書省校書郎衛膚敏假給事中往賀虜酋生辰竣事而旋常贐

外別贈使介各一玉錢虜主即宴坐起離席躬奉之左右傳觀皆驚愕太息錢之製如今之大者其文皆兵端豈虞我或覘其國故外示厚禮俾巨測歟錢今藏衛氏宋周輝清波雜誌

世所傳青瑣集揚妃別傳以為開元錢乃明皇所鑄上有甲痕乃貴妃搯迹殊不知唐談賓錄云武德中廢五銖錢行開元通寶錢及書皆歐陽詢之所為初進樣文德皇后搯一痕回鑄之宋吳曾能改齋漫錄

胡桃能碎錢宋蘇軾物類相感志

庶物類考卷三十一

伏中不可鑄錢汁不清名爐凍上同

國家開寶中所鑄錢文曰宋通元寶至寶元中則皇  
宋通寶近世錢文皆著年號惟此二錢不然者以年  
號有寶字文不可重也宋趙葵行營雜錄

機謹按宋歐陽修歸田錄同

南城李夢林篤行君子也嘗夢至一所庭下植兩石  
榴樹下獲錢一窖凡千緡自念平生無妄想何從有  
此未幾戴尋思招延家塾訓諸子歲俸百緡入齋見  
庭下二石榴樹宛然夢中所見凡十年而辭計所得

果千緡嗚呼館俸一細故爾且前定有數况富貴利

達所係尤大此者乎宋張誼遊官紀聞

初黃巾賊起靈帝建九重華蓋自稱無上將軍身被  
介冑謀兵京城先是造作角錢猶五銖而有四道連  
千邊輪百姓各有識者以為大徵竊言新錢有四道  
京城將壞而此前四出散於四方之外乎遂皆如其

言獻帝春秋

今唐國通寶大唐通寶乃南唐錢或者不知求之三  
百年之唐謬也按南唐書元宗即位鑄唐國通寶大

庶物類纂卷三十一

唐通寶通用數年漸弊百姓盜鑄極為輕小元宗即

璟也宋王楙野客叢談

Vertical text on the right edge of the right page, likely a page number or index marker.

